

Gátlisti fyrir nemendur og umsjónarmenn þeirra

Nemandi og umsjónarmaður hans bera ábyrgð á því að eftirfarandi lista sé framfylgt

- **Nemandi hefur verið skráður í skráningarkerfi Landspítala**
Skráningarform: <http://www.landspitali.is/pages/16537>
Skráning hópa: Skráning send í sérstöku Excel skjali til verkefnastjóra á menntadeild Landspítala.
Skráningarform sendist til nemar@landspitali.is. Þar fást einnig nánari upplýsingar um skráningu hópa.
- **Nemandi hefur undirritað reglur Landspítala um þagnarskyldu, reglur um notkun sjúkraskrárupplýsinga og kynnt sér skilmála varðandi prentun og ljósritun** *Ath! Skylda fyrir alla nemendur að skila báðum undirskriftum.*
Athugið að tölvuaðgangur verður ekki veittur fyrr en skjalið hefur borist!
Gjaldskrá fyrir prentun og ljósritun er að finna á slóðinni: <http://www.landspitali.is/lisalib/getfile.aspx?itemid=29745>
Undirritað skjal skal sent í innanhússpósti til Sigrúnar Ingimarsdóttur, menntadeild, Ármúla 1a, Landspítala
- **Stofnað hefur verið „leynihólf“ með nemanda**
Nemendur geta sjálfir stofnað leynihólf með því að fara inn á <https://leyniholf.lsh.is>, skrá kennitölu og velja hnappinn „Held ég eigi ekki leynihólf“ og fylgja leiðbeiningum sem þá koma upp. Eins geta margir yfirmenn/skrifstofustjórar á deildum stofnað leynihólf með nemendum, með því að velja „Aðgangsvéitingar → Aðgerðir → Stofna leynihólf“ efst á síðu í Vefverði (<http://vordur.lsh.is/VordurWeb/DepartmentOverview.aspx>). Eftir að leynihólf hefur verið stofnað, má alltaf nálgast aðgangs- og lykilorð að tölvukerfunum í tölvum LSH á slóðinni <https://leyniholf.lsh.is>.
- **Nemandi hefur fengið auðkenniskort**
Ef nemandi á ekki auðkenniskort sem gildir út námstímann á LSH, þarf hann að útvega sér það áður en námstíminn hefst.
 - Athugið! Nemandi þarf að vera skráður í skráningarkerfi Landspítala, sjá efsta liðinn. Ef ekki, er ekki hægt að útbúa kortið.
 - Myndatökur og afhending auðkenniskorta fara fram í Kringlunni, Landspítala Hringbraut á virkum dögum frá kl. 10.00–12.00 og 13.00–15.00. Ef mynd er þegar til í kerfinu má sækja kortið í Kringluna eða óska eftir að það verði sent til umsjónarmanns á spítalanum, sjá <http://oryggi.lsh.is/auðkenniskort/upplýsingar>. Taka þarf fram deild og staðsetningu. Sími 543-1880 eða auðkort@landspitali.is
 - Auðkenniskort gildir meðan á náminu stendur, en að því loknu ber að skila því til afgreiðslu auðkenniskorta, Kringlunni, LSH Hringbraut, þannig að hægt verði að skrá það út úr kerfinu.
Nemendur skulu ávallt bera auðkenniskort á Landspítala.
- **Nemandi hefur framfylgt reglum um bólusetningar, berkla- og MÓSA-próf**
Hverjum nemanda ber að framfylgja reglum um berklapróf, bólusetningar og MÓSA-próf áður en verklegt nám/starf á Landspítala hefst.
Berklapróf: Öllum nemendum er skylt að fara í berklapróf eða skila vottorði um bólusetningu gegn berklum áður en þeir hefja verklegt nám á spítalanum. Berklapróf eru gerð á Landspítalanum. Þau eru auglýst af skrifstofum deilda á heilbrigðisvísindasviði HÍ, en nemar úr öðrum skólum (ef ekki er fyrirfram skipulagt) panti tíma á göngudeild A-3 Fossvogi, sími 543-6040.
Bólusetningar: Öllum nemendum er skylt að skila vottorði um að þeir hafi fengið eftirtalda sjúkdóma, eða hafi verið bólusettir gegn þeim: Barnaveiki (Diphtheria), stífkrampi (Tetanus), kikhósti (Pertussis), mænusótt (Polio), mislingar (Morbilli), hettusótt (Parotitis epidemica) og rauðir hundar (Rubella). Nemandi fái þetta vottorð undirritað á heilsugæslustöð og greiði sjálfir fyrir það. Vottorðinu skal skilað til viðkomandi háskóladeildar/-brautar eða umsjónarmanns verknáms áður en verklegt nám hefst á Landspítala.
Lifrabólga B: Nemendum í heilbrigðisgreinum er skylt að láta bólusetja sig gegn lifrabólgu. Bólusett er þrisvar á 6 mánaða tímabili. Önnur sprautan er gefin mánuði eftir hina fyrstu og sú þriðja 5 mánuðum síðar. Bólusetningar fara fram á Landspítala. Þær eru auglýstar af skrifstofum deilda á heilbrigðisvísindasviði HÍ, en nemar frá öðrum skólum (ef ekki er fyrirfram skipulagt) panti tíma á Eiríksstötu 5, sími 543-1330, eða á B-3 LSH Fossvogi, sími 543-7390.
MÓSA-próf: Ef nemandi hefur verið útsettur fyrir, tekið þátt í hjálparstarfi, unnið á, dvalist eða fengið meðferð á erlendum sjúkrastofnunum á sl. sex mánuðum fyrir klínískt nám, eða áður greinst með MÓSA, þarf að rækta fyrir MÓSA (Meticillín ónæmur Staphylococcus aureus). **Þessar reglur eiga við um alla viðveru á klínískri deild.** Strok er tekið á Eiríksstötu 5, sími 543-1330, eða B-3 Fossvogi, sími 543-7390. Svar liggur fyrir innan 2 sólarhringa. **Neikvætt svar úr ræktun þarf að liggja fyrir áður en klínískt nám á Landspítala hefst.**
Íslenskir nemendur sem fara utan í verknám: Þeir þurfa sjálfir að sækja sér bólusetningar og vottorð til heilsugæslustöðva.
- **Tryggingar – til umhugsunar**
Samkvæmt 29. grein, IV. kafla laga 100/2007, um almannatryggingar er nemandi sem stundar nám á Landspítala slysatryggður meðan á námi stendur. Nemandinn nýtur ekki frekari tryggingaverndar af hálfu opinberra aðila, en er eindregið hvattur til þess að íhuga stöðu sína og þá vernd sem einkavátryggingar veita. Nemar í klínísku námi njóta sömu tryggingaverndar að því er varðar bótaábyrgð gagnvart sjúklingum og starfsmenn spítalans, enda vinna þeir á ábyrgð kennara sinna á Landspítala.

Menntadeild Landspítala
netfang: nemar@landspitali.is, sími 543-1475